

陽春縣志卷之六

禮儀 儀制祀典

三代以前人無不出於學學無不衷於禮而禮莫重於祭舊志所載於清代儀制祀典言之綦詳耕藉迎春大祀中祀為予少時所目親宣讀律令環立觀聽賓主介交僕拜酌酒是曰鄉飲酒之禮記善記過各立一冊月朔紀載歲終彙報是曰鄉約之禮二者以時舉行有稗風俗人心不鮮然自有生以來未嘗一見蓋禮教之凌夷久矣嗟乎此風俗之所以日偷人心之所以日壞也然豈獨吾邑為然哉

儀制

慶賀禮

恭遇萬壽聖節是日五鼓文武官各衣朝衣齊赴萬壽宮朝房肅候朝鼓三通禮生稟請行禮分文武東西引至丹墀下序班行三跪九

卷六

一

叩首禮畢仍回朝房少坐而退

前後各三日俱穿蟒衣坐班

恭遇皇后千秋令節及元旦冬至節儀注俱同

惟不前後期坐班

讀詔禮

恭遇詔書至縣文武官衣朝衣具龍亭鼓樂肅迎齎詔官恭捧詔書置龍亭中南向各官北向行三跪九叩首禮眾官及鼓樂前導齎詔官隨亭後行至公庭門外眾官先趨入文武東西序立候龍亭至齎詔官立龍亭東西向眾官序班樂作行三跪九叩首禮齎詔官捧詔書授展讀官展讀官跪受起詣案前宣讀眾官皆跪宣讀畢仍捧詔書授齎詔官置龍亭眾官復行三跪九叩首禮退易服方與齎詔官行禮

宣講聖諭禮

每月朔望擇寬潔公所屆期文武官俱至衣蟒衣序班行三跪九叩

首禮退至宣講所席地坐宣講生詣案前恭捧上諭宣講軍民人等環列肅聽

耕藉禮

每歲祭以季春亥日巳時祭 先農即於是日午時行耕藉禮

祭品

帛一 羊一 豕一 鉶一 籩豆各四 簋各二

儀注

承祭官率各官請 先農神位供於壇上乃衣朝衣禮生引承祭官盥洗就位陪祭官皆就贊唱瘞毛血瘞畢贊引承祭官由東階升至香案前上香畢上注香一辨香三由西階下復位迎神行三跪九叩首禮興贊唱奠帛行初獻禮詣神位前跪奠帛獻爵叩首興詣讀祝位跪眾官皆跪宣祝畢叩首興復位次行亞獻禮惟獻爵次行三獻禮俱如前儀乃

卷六

二

飲福受胙

贊引詣飲福受胙位跪飲福酒受福胙叩首興

復位徹饌送神行三跪九叩首禮興贊唱捧

祝帛恭詣燎所贊引望燎復位禮畢送神位入祠午刻各官更蟒袍

行耕藉禮

農具一

色赤牛一

色黑籽種箱一

色青耆老一人牽牛農

夫二人扶犁佐貳官捧青箱雜職官播種正印官右手扶犁左手執鞭九推九反農童六人執青旂隨犁進退樂作歌唱耕畢各官更朝衣望闕行三跪九叩首禮乃勞耆老農夫賞農童焉

耕藉歌

聖朝鉅典念農祥吉亥修儀遍遠方率土奉行王制美共知天子重農桑

肅肅清壇翠幙張東風萬里布春陽海疆共愜深耕願早進先農一炷香

悠揚鼓吹出東方父老謹呼擁道旁乍見青紘躬耒耜預占綠野富

倉箱

獵獵青旂貫綠楊珠瓔寶馬自成行手携嘉種從容布還似神仙跨
五羊

短笠青簑映曉光千夫齊向九推旁一尊勞酒同沾被遙挹天田雨
露香

杏花菖葉漫匆忙海上班春別有方時雨一犁新社後木棉花赤菜
花黃

朝來春水漲橫塘榕樹村中放犢忙趁此炎方禾再熟新茶未出早
分秧

海濱生計重開荒儘把勤勞格上蒼遍鑿蘆洲成沃土漲沙隨處湧
村莊

勸農恩禮倍尋常竚見郊原歲歲穰南陌東阡吹社鼓羔羊朋酒頌

卷六

三

無疆

聖明天子重農桑丹鳳御書到海疆守土良臣宣德意藉田開處麗
春陽

六合清寧時雨暘華星常正驗農桑碧畦綉甸東郊暖勤勸春耕答
九閭

先農壇畔集鸞鳳擇日占風禮教詳北望天田陳御耦青旂高拂五
雲光

青原小隊肅分行射木山前草木芳翻土一犁香土軟田歌傳入水
雲鄉

成羣簑笠盡村莊布穀聲中曉氣涼看罷九推歸去早好成新雨插
新秧

課晴問雨莫嫌忙黼座方披七月章要使耕夫齊舉趾並教饁婦競

提筐

春水初生滿碧塘
溉田早卜歲豐穰
水車秧馬時收拾
容易嘉禾壓隴長

和風甘雨潤炎方
紫荔紅蕉六月香
瑞穀生成多九穗
先春玉粒貢神倉

逢年爭祝滿倉箱
萬寶成時好築塲
飽喫田中新熟稻
大家擊壤咏陶唐

祝文

乾隆九年部頒

惟神肇興稼穡粒我蒸文頌思文之德克配彼蒼念率育之功陳常時夏茲當東作咸服先疇洪惟九五之尊歲舉三推之典恭膺守土敬念勞民謹奉彝章聿修祀事惟願五風十雨嘉祥恆沐於神麻庶幾九穗雙岐上瑞瀕書於大有尚饗

卷六

四

迎春禮

立春前一日各官朝服鼓樂出東郊向勾芒神前一揖三獻酒點睛復一揖迎勾芒神土牛遶城回縣安置頭門內土牛南向勾芒神西向至交春時陳牲醴各官衣朝衣詣勾芒神前三獻酒行三叩首禮畢各執綵仗正印官擊鼓與衆官由東起環鞭春牛者三

救護禮

凡日月食設香案於露臺具金鼓各官衣素服齊集報初虧行三跪九叩首禮正印官擊鼓三聲金鼓齊鳴及復圓鼓乃止各官行三跪九叩首禮

祈禱禮

凡遇久旱縣官齋戒素服詣射木神祠行一跪三叩首禮祝畢復三叩首取水插柳枝回城隍神廟行二跪六叩首禮設經壇用僧道

各官早晚步行至廟進香行三叩首禮得霖雨乃止祈晴則祇行禮於城隍神廟儀注同惟拜用紅氈射木神祠禱雨祝文附

惟 神靈鍾射木德沛春州興雲雨而恩澤惟時祈求必應潤枯稿而蒸民乃粒功德無疆望屏翳之降臨不崇朝而思霈冀元冥之戾止竟五日以為霖自非赫濯厥靈曷克豐登有慶茲者翔陽久曬恆疾首而星馳旱魃頻仍用齋必而露禱伏望大彰靈爽普惠甘霖蘇我稿苗肉此枯骨其不勝望切瞻依之至

到官禮

先衣蟒服詣 城隍廟三獻讀祝前後行一跪三叩首禮畢赴本衙祭儀門如謁城隍神儀禮畢入大常更朝服望闕謝恩行三跪九叩首禮畢更蟒袍補服拜印行三叩首禮開印置公案再行三叩首禮畢升公座受參

卷六

五

賓興禮

附載四條

凡賓興之年縣官擇吉設席於公所至期諸生先赴學官辭 聖乃赴縣飲餞畢諸生辭由中門出縣官鼓樂送至堂簾外

凡鄉試中式新舉人歸縣官擇吉設席於縣堂以鼓樂彩旂彩帳迎入簪花掛紅隨謁 文廟回縣堂宴飲畢仍以鼓樂彩旂送歸

凡舉人赴京會試縣官擇吉設席於公所先期具書請舉人赴席凡正貢生員領文赴考取准歸里縣官擇吉請新貢生赴縣堂簪花詣學謁 聖次謁縣官擇吉請宴送旂匾至其家

每歲科兩試鬻案到縣縣官諏吉備酒果於堂新生公服入見縣官三揖兩旁坐飲酒簪掛新生復一揖縣官以鼓樂彩旂引赴學官謁 聖縣官學官先行三跪九叩首禮次先進生偕新生亦行九叩首禮畢至明倫堂東西序立互行兩拜禮新生向學官再拜次向縣官

亦再拜各官答揖新生揖先進生將拜先進生辭新生起三揖分班相向各三揖先進生乃讀臥碑而講之次日新生赴縣謝鄉飲酒禮

每歲正月望日十月朔日於儒學明倫堂行鄉飲酒禮先期一日執事者於明倫堂陳設坐次司正率執事者習禮至期味爽宰牲具饌主及僚屬司正先至遣人速賓僕以下執事者報賓至主率僚屬迎於庠門外揖以入主東賓西三揖三讓而後升堂東西相向立贊兩拜賓坐及僕至如前儀賓介俱至既就位執事者唱司正揚觶執事者引司正由西階至堂中北向立執事者唱賓僕以下皆立唱揖司正賓僕以下皆揖執事者以觶酌酒授司正司正舉酒曰恭惟朝廷率由舊章敦崇禮教舉行鄉飲非為飲食凡我長幼各相勸勉為臣盡忠為子盡孝長幼有序兄弟恭內睦宗族外和鄉里無或廢墜

以忝所生辭畢執事者唱司正飲酒飲畢以觶授執事者執事者唱揖司正揖賓僕以下皆揖司正復位賓僕以下皆復位乃讀律令執事者舉律令案於堂中引讀律令者詣案前北向立唱賓僕以下皆立行揖禮如前讀畢復位執事者唱供饌案執事者舉饌案至賓前次僕次介次主三賓以下各以次舉訖執事者唱獻賓主起席北面立執事酌酒以授主主受爵詣賓前置於席稍退贊兩拜賓答拜訖執事又爵酒授主主受爵詣僕前置於席交拜如前儀畢主退復位於席稍退贊兩拜賓僕主交拜訖各就位坐執事者分左右立介三賓衆賓以下以次酌酒於席訖執事者唱飲酒或三行或五行供湯又唱酌酒飲酒供湯三品畢執事者唱徹饌候徹饌案訖唱賓僕以下皆行禮僕主僚屬居東賓介三賓衆賓居西贊兩拜拜訖唱送賓

次下堂分東西行仍三揖出庠門而退

凡鄉飲酒之禮知縣為主位於東南大賓以致仕官為之位於西北僕擇年高有德之人位於東北介以次長位於西南三賓以賓之次者為之位於賓主介僕之後除賓僕外衆賓序齒皆東向各官序爵皆西向司正以教職為之主揚觶以罰贊禮以老成生員為之

鄉約

縣之城內及大鄉村各設講約立約正一人選舉貢生員老成有學行者為之值月三四人選樸實謹守者為之置德業可勸者為一冊過失可規者為一冊值月掌之月終則告於約正而授於其次每月朔舉行先期值月約同鄉人夙興集講約俟約正及耆老里長皆至相見三揖以齒分左右立設案庭中值月北面立宣講聖諭廣訓皆肅聽之講畢查鄉有善者衆推之過者糾之約正詢其實狀無異詞乃命值月分別書之值月取記善冊讀一遍其記過冊呈於約正及耆老里長默視竟仍附值月收掌事畢衆揖而退歲終則校其善過彙冊報縣而懲勸之有能改者一體獎勵

祀典

文廟

每歲以春秋仲月上丁日致祭先期承祭官率陪祭各官齊赴文廟觀樂省牲執事生員捧毛血瘞 聖殿後瘞畢禮生引承祭官至階下行一跪三叩首禮畢各退至期子刻各官衣朝衣齊集行禮

正殿祭品

帛一 牛一 羊一 豕一 登二 鉶二 簋四 簋四 籩十
豆十 酒罇一 白磁爵三

四配祭品

帛四 豕一 羊一 釧二 簋二 簋二 籩八 豆八 酒罇

一 白磁爵各三

十哲祭品
帛一 豕一 釧各一 簋各一 簋各一 籩各四 豆各四
豕首一 白磁爵三

兩廡祭品

帛一 豕一 每案簋一 簋一 籩四 豆四 銅爵各一

儀注

各官俱入兩旁門席立贊 引導承祭官至盥洗處贊 盥洗 畢引至臺階 啓鼓啓門樂舞生各就列執事

者各司其事承祭官皆就位分獻官陪祭官皆就位 贊引就位 承祭官就

立與儀唱 獻官隨後 上香 贊引承祭官詣神前 迎神 協律 舉迎神樂 奏咸平之章 樂作與儀唱 跪叩興

承祭陪祭分獻各官俱行三 奠帛 司帛者捧帛者從階下 行初獻禮 協律 舉初獻

卷六

樂 奏寧平之章樂作贊引承 祭官由東階上進殿左門 詣

至聖先師孔子位前 贊引 跪奠帛 捧帛者以帛跪進 承祭官接帛供獻 獻爵 執爵者以爵跪進

畢行一跪一叩 詣讀祝位 承祭官詣讀祝位讀祝者捧 跪 承祭官跪與儀 讀祝 畢

三叩首與復 行分獻禮 贊引分 詣 復聖顏子位前 分祭官就案 跪叩興奠

帛獻爵 皆如前儀 獻爵畢行 詣 宗聖曾子位前 復如前儀 詣述聖子思位

前 如前儀 復贊 詣 亞聖孟子位前 如前儀 其十哲兩廡俱 復位 承祭官分獻官 行

亞獻禮 協律 舉亞獻樂 奏安平之章 陞壇獻爵 如初獻 復位 承祭分獻官俱

儀 行三獻禮 協律 舉三獻樂 奏景平之章 陞壇獻爵 如亞獻儀 復位 承祭分

復位樂止 飲福受胙 贊引 詣受福胙位 承祭官至 飲福酒 承祭官受爵拱 受福

胙 承祭官受胙者贊 叩興 承祭官三 復位 承祭官復位 徹饌 協律 舉徹饌樂 奏

平之章樂 送神 協律 舉送神樂 奏咸平之樂一 跪叩興 承祭官及各官行三跪九

司祝者捧祝司帛者捧帛各恭詣燎所 捧祝捧帛者至 各位前捧祝文在前

侯祝帛過仍復位立之典儀唱望燎協律郎唱舉望燎樂與送神樂同樂作贊引官贊詣望燎所望燎引各官至燎位立焚

祝文

惟先師德隆千古道冠百王歷亘古以常昭自生民所未有屬教洽文明之會正禮和樂節之時辟雍鐘鼓咸恪薦於馨香泮水膠庠益致嚴於籩豆茲當仲春秋祇率彝章肅展微忱聿將祀典以復聖顏子宗聖曾子述聖子思子亞聖孟子配尚饗

樂章

迎神樂奏咸平之章 無舞

大哉至聖道德尊崇維持王化斯民是宗典祀有常精純並隆神其來格於昭聖容

初獻樂奏寧平之章 有舞

卷六

九

自生民來誰底其盛惟師神明度越前聖粢帛具成禮容斯稱黍稷非馨惟神之聽

亞獻樂奏安平之章 有舞

大哉聖師實天生德作樂以崇時祀無斃清酤惟馨嘉牲孔碩薦羞神明庶幾昭格

三獻樂奏景平之章 有舞

百王宗師生民物軌瞻之洋洋神其寧止酌彼金罍維清且旨登獻維三於戲成禮

徹饌樂奏咸平之章 無舞

犧象在前籩豆在列以享以薦既芬既潔禮成樂備人和神悅祭則受福率遵無越

送神樂奏咸平之闋 望燎同

有嚴學宮四方來崇恪恭祀事威儀雖離歆茲惟馨神馭還復明禋
斯畢咸膺百福

舞譜 存學內

崇聖祠

祭品

帛五 羊一 豕一 鉶一 簋一 簋一 籩八 豆八 罇一
白磁爵三

配位祭品

帛二 豕首一 簋一 簋一 籩四 豆四 豕肉一 每位銅
爵三

兩廡祭品

帛二 簋二 籩二 籩四 豆四 豕肉一 每位銅爵三

卷六

十

儀注同正殿惟無飲福受胙不用樂

祝文 乾隆九年部頒

惟 王奕葉鍾祥光開聖緒盛德之後積久彌昌凡聲教所覃敷率
循源而溯本宜肅明禋之典用申守土之忱茲屆仲 秋春 聿修祀事以

先賢顏氏 先賢曾氏 先賢孔氏 先賢孟孫氏配尚饗

名宦鄉賢同日分祭前後行六叩首禮獻帛三獻爵

名宦祝文 部頒

卓哉羣公懋修厥職澤被生靈功垂社稷茲屆仲 秋春 聿薦明德

鄉賢祝文

於惟羣公毓秀茲邦懿德卓行奕世流芳茲屆仲 秋春 聿薦馨香
學宮土地亦同日祭前後行三叩首禮獻帛三獻爵

土地祠祝文

惟神職司下土靈妥鬯宮亨通仕路暢翼文風茲當仲秋春馨薦攸

崇文昌神廟每歲定以春秋仲月初三日致祭嘉慶七年頒行特祀

祭品

帛一 牛一 豕一 羊一 籩十 豆十

儀注

祭日贊引承祭官進左旁門至盥洗所贊盥洗畢引至殿內行禮處站立與儀唱執事者各司其事承祭官就位

陪祭官皆就位上香司香者捧香立案前贊引承祭官先上炷香復三上解香贊引復位與儀唱迎神跪叩興承祭官各

官俱行三跪九叩禮立典儀唱奠帛行初獻禮捧帛執爵者各將帛爵捧帛從正階上爵隨官先捧至桌前承祭官行一跪三叩禮贊引至讀祝位立

讀祝讀祝畢叩興承祭官三叩禮復位與儀唱行亞獻禮執爵者照初獻禮畢退與儀唱行終獻禮執爵者照亞獻禮畢退與儀唱

徹饌送神跪叩興承祭官及各官行三跪九叩禮立典儀唱司祝者捧祝司帛者捧帛

各恭詣燎所詣望燎所引承祭官至望燎所望燎與儀唱禮畢引祭官退

祝文 嘉慶七年部頒

卷六

惟神績著西垣樞環北極六匡麗曜協昌運之光華累代垂靈為

人文之主宰扶正久彰夫感召薦馨宜致其尊崇茲屆仲秋春用昭時

祀尚其歆格鑒此精虔尚饗祭後殿三代祭品儀注帛各一豕各一

羊各一籩豆各八行二跪六叩首禮承祭官詣各案前上香餘同前

殿

祝文 嘉慶二年部頒

祭引先河之義禮崇反本之恩矧夫世德彌光延賞斯及祥鍾累代

烟列宿之精靈功被千秋綿人文之主宰是尊後殿用答前麻茲值

仲秋春肅將時事用申告潔 神其格歆

關不廟每歲以仲秋春月及五月十三日致祭

祭品儀注與祭 文昌神同

五月十三日祭品帛一牛一豕一羊一果五盤後殿不用牛餘同

祝文

隆乾九年部頒

惟 帝浩氣凌霄丹心貫日扶正統而彰信義威震九州完大節以
篤忠貞名高三國神明如在徧祠宇於寰區靈應丕昭薦馨香於歷
代累徵異蹟顯祐羣生恭值嘉辰遵行祀典筵陳籩豆凡奠牲醪尚
饗

後殿祭品儀注與祭 文昌神三代同

祝文

乾隆元年部頒

惟 公世澤貽庥靈源積慶德能昌後篤生神武之英善則歸親宜
享尊崇之報列上公之封爵 錫命優隆合三世以肇禋典章明備
恭逢諏吉祇事薦馨尚饗

社稷壇每歲春秋仲月上戊日出主於壇而祀之

祭品

卷六

十二

帛一 黑色

豕一

羊一

劍一

籩四

豆四

簋二

簠二

儀注同先農壇

祝文

部頒

惟 神奠安九土粒食萬邦分五色以表封圻育三農而蕃稼穡恭
承守土肅展明禋時屆仲秋春敬修祀典庶九九松柏鞏盤石於無疆
翼翼黍苗佐神倉於不匱尚饗

風雲雷雨

山川

城隍共一壇每歲以春秋仲月上巳日合祭之風雲雷雨居中帛四山

川左帛二城隍右帛一祭品儀注與社稷同

祝文

乾隆九年頒部

惟 神贊襄天福祐蒼黎佐靈化以流形生成永賴乘氣機而鼓盪

溫肅攸宜磅礴高深長保安貞之吉憑依鞏固實資捍禦之功幸民俗之殷盈仰神明之庇護恭修歲祀正值良辰敬潔豆籩祇陳牲帛尚饗

忠義孝友祠節孝祠

春秋有司致祭羊一豕一爵五行一跪三叩禮

忠義孝友祠祝文

部頌

惟靈稟賦貞純躬行篤實忠誠奮發貫金石而不渝義問宣昭表鄉閭而共式祇事懋彝倫之大性摯莪蒿克恭念天顯之親情殷棣萼楷模咸推夫懿德綸恩特闡其幽光祠宇惟隆歲時式祀用陳樽簋來格凡筵尚饗

節孝祠祝文

部頌

惟靈純心皎潔令德柔嘉矢志完貞全閨中之亮節竭誠致敬彰

卷六

十三

壺內之芳型茹冰蘖而彌堅清操自勵奉盤匱而匪懈篤孝傳徽絲綸特沛乎殊恩祠宇昭垂於令典祇循歲祀式薦尊醪尚饗

厲壇每歲清明日七月望十月朔迎城隍神位於北郊正面兩旁

設無祀鬼神位分配之羊三豕三飯米三石香燭酒紙隨用

告城隍文及祭厲壇

文存縣禮房茲不載

以上俱錄舊志